

SUBDIVISIO 4. — *Species parvæ. Palpi maxillares articulis 5, la-
biales articulis 3. Femina vix operaria major. Mandibulae dentatæ.
Alæ albo-hyalinæ mediocres, nervis ut in subdivisione præcedente.
Corpus superne setulis subclavatis, microscopice examinatis triangu-
lato-prismaticis, in ♂ et ♀ (fig. 39). — Leptothorax Mayr. — Spec. 16-21.
A. Species clava antennarum infuscata vel nigricante. — Spec.
16-19.*

16. MYRMICA ACERVORUM Fabr. Piez. p. 407 (1) (Latr. *Fourm.*
p. 255, ut var. *M. graminicolæ*); Zett. *Ins. Lapp.* p. 451; Nyl.
Form. bor. p. 936, et *Additam.* p. 1057; Foerst. *Hym. Stud.*
p. 61; Schenck *Nass. Ameis.* p. 97; Smith *Brit. Form.* p. 424;
Leptothorax acervorum Mayr *Austr.* p. 164; *M. lacteipennis* Zett.
l. c. p. 452, ♂.

Operaria : rufa, capite supra, clava antennarum 11-articulatarum et
dorso abdominis (sæpeque adhuc nodis superne) fusco-nigris; caput stria-
tum, thorax nodique rugosuli, clypeus medio plagula impressiuscula ni-
tida; metanotum spinis mediocribus; tibiæ setulis tenuibus munitæ. —
Long. 3,5-4 millim.

Femina : sordide rufa, capit is thoracis et abdominis partibus superio-
ribus fusco-nigris, mandibulis, scapis cum basi flagellorum et pedibus pal-
lidis, femoribus medio paulo obscuris; sculptura fere ut in operaria;
spinæ metanoti mediocres. — Long. 4 millim.; ala ant. 3,5 millim., ner-
vis et stigmate incoloribus, area radiali aperta.

Mas : niger nitidiusculus, capite opaco piloso, pedibus fuscis, tarsis
pallidis; antennæ articulis 12, scapus crassus longitudine vix articuli
2^{di} flagelli; metathorax postice utrinque obtuse angulatus. — Long. 4-
4,5 millim.; ala ant. fere 4 millim.

Habitat in truncis putrescentibus, sub muscis et in terra, coloniis mi-
noribus quam *Myrm. scabrinodis* et affines hujus generis species. In
Gallia hanc Myrmicam nondum nisi in Pyrenæis ad Barèges inveni, sed ve-
risimiliter ad omnes pertinet regiones alpinas vel elevatores. Nec forsitan
frustra ibi simul quærenda socia ejus vel parasita singularis *Myrm. sub-
laevis*, cuius notas eo proposito infra breviter exponere liceat, ut attentioni
commendetur lectoris.

(1) Tamen observandum sub hoc nomine in collectione Fabricii etiam com-
mixta adesse specimina *Myrmicæ ruginodis* et *laevinodis*.